

AD QVODLIBETARIAM
QVAESTIO MEDICA
MATVTINIS AGITANDA DISPVATIONIBVS IN SCHOLIS
Medicorum die Iouis xv. Nouemb. Magistro Gaspare Brayer Regio
Medico, Doctore Moderatore prudentissimo.

448

An in nativo calido vita?



Pra membrorum & instrumentorum humani corporis compages, ex vtilissimi alimenti vtriusque parentis recremento intra parietes vteri excepto & concepto, opificis caloris munere, forciū dum illud, sed inanime semen ab omni parte deciduum, in cartilaginem, neruum, membranam, tendinem & ceteras similes particulas immutantis, eademque simplices in conuenientem semper naturæ magnitudinem, figuram, positionem, adornantis confurgit; Is ipse est natiuus atque congenitus calor vegetantis animæ vices gerens, latens in semine, vigens in fetu, ac perseverans in animali iam edito, vniuersam corporis viuents æconomiam moderate suo gubernans.



Vius præterelementaris vel cœlestis caloris fundamentum putatur prætenus illa aura, subtilis halitus, pernicipitate velox sub aspectum non cadens, æræ cuiusdam magis quàm igneæ substantiæ. Nam absque eo nexu & eiusmodi vehiculo nequit consistere, minus in omne corpus permeare, huc & illuc in abditiſſima ossium penetralia alimentum illico diffundere: vt autem calor ille in dissolubili adhæsione spiritui inhaerescit, ita spiritus suas in humore primigenio radices habet: atque ex hoc & illo constat calidum innatum, quod aliud est nihil præter humidum primigenium insito spiritui & calore perfusum.



Viuſcæ substantiæ tenore & quamuis fugaci præſentia homini vitæ stadium decurritur, eius vero fluxu primò temperamentum, deinde consistentia eiusdem immutatur, singulis enim horarum momentis irrequieta caloris actione humor primigenius diffuit. Ipse calor vicissim consumptione pabuli languescit; inde etiam insignes mutationes quatuor homini accedunt, humoribus & temporibus similes, Adoleſcentia Sanguini & veri, inuentus bili & æſtati, inclinans ætas succo melancholico & autumnio, Senectus pituitæ & hyemi; In affecta autem ætate non quale inuente, aut adulta erat primo-ve in ortu acceperat homo retinet humoris primigenii complementum, sed primus orientis dies calidissimus, occidentis autem qui & supremus frigidissimus habetur.



Est calidi humani natura vt cum animal effinxerit, quod etiam vegetat, tuctur, & fouet, iacturam sui nequaquam effugere ad extremum possit, etiam si ab iis quæ extrinsecus oppugnant, intus vt turbant acriter sese defendat, quod eo mirandum magis cum vnumquodque à contrario perimatur & in contrarium pereat nec simile in simile agat; Verum esse mirum desinet intelligenti caloris naturam non esse constantem & firmam, sed perpetuo quodam agitari, cicrique motu, cum egeat quò recreetur, reficiaturque, eoque consumpto pereat, neque tanto, neque ita simili ei accedente.



Vanescit remoram obiici argumento est quod quo pinguior atque tenacior humor ille viuificus in partium solidarum substantia est confertus, eo animantium vita longius prorogatur; exemplo sunt cum homines & Elephantes, tum pinguis & oleosa stirpium genera, quæ putredini vitæ pestem atque perniciem inferenti constantius obſiſtunt. Eius vero si fluxa substantia & maligna fuerit, quoniam diu fouere tuerique calorem minimè valet, vitæ spatium contrahit, aduersusque rerum miseram uitam exponit; itaque cum nihil tam vitæ aduersum sit quam putredo, neque aliud quàm illud veluti sal (quod calidum innatum diximus) ei obſiſtat, absque illo esset, omne viuientium genus in interitum ruat.

Ergo in nativo calido vita?

Aſſerit IOANNES MAYNOIR de Roma antiqua, anno Domini 1612.

DOMINI DOCTORES DISPVATVRI.

M. Hieronimus Goulx P. R.
M. Syphorianus Haultin.
M. Henricus Blacud M. R.

M. Gabriel Biard.
M. Ioannes Desgoris.
M. Renatus Chartier M. R.

M. Franciscus du Port.
M. Ioannes Brancheſne.
M. Ioannes Haultin M. R.

